

UDHËZIM
Nr. 17, datë 22.12.2014

**PËRMONITORIMIN E TEMPERATURAVE NË MJETET E TRANSPORTIT,
MAGAZINIMIN DHE RUAJTJEN E USHQIMEVE NË NGRIRJE TË SHPEJTË TË
DESTINUAR PËR KONSUM NJERËZOR**

Në mbështetje të nenit 102, pika 4, të Kushtetutës dhe nenit 23, të ligjit nr. 9863, datë 28.1.2008, “Për ushqimin”, të ndryshuar,

UDHËZOJ:

1. Qëllimi i këtij udhëzimi është përcaktimi i rregullave në lidhje me monitorimin e temperaturave në mjetet e transportit, magazinimin dhe ruajtjen e ushqimeve në ngrirje të shpejtë të destinuar për konsum njerëzor.

2. Mjetet e transportit, të magazinimit dhe të ruajtjes së ushqimeve me ngrirje të shpejtë, të pajisen me instrumente të përshtatshme regjistrimi për të monitoruar në intervale të shpeshta dhe të rregullta, temperaturën e ajrit në të cilat ushqimet me ngrirje të shpejtë janë vendosur.

3. Operatorët e biznesit ushqimor duhet të mbajnë të gjitha dokumentet që lejojnë verifikimin se instrumentet e përmendura më sipër janë në përputhje me standardet në fuqi.

4. Temperatura e regjistruar të jetë datuar dhe e ruajtur nga operatori i ushqimit për një periudhë prej të paktën një viti, ose për një periudhë më të gjatë duke marrë parasysh natyrën dhe datën e skadencës së produkteve ushqimore në ngrirje të shpejtë.

5. Pa anashkaluar pikat 2, 3 dhe 4, temperatura e ajrit gjatë ruajtjes në ambientet me ekspozim, me pamje qartësisht të dukshme të shitjes me pakicë dhe në ambientet e shpërndarjes, të matet nga një termometër lehtësisht i dukshëm.

Në rastin e ambienteve të hapura të shitjes me pakicë:

a) kufiri i ngarkesës maksimale të ambientit duhet të jetë shënuar në mënyrë të qartë;

b) termometri që tregon temperaturën në ajër të kthehet në krah të markimit të nivelit.

6. Autoriteti Kombëtar i Ushqimit mund të bëjë përjashtim nga kërkesat e përcaktuara në pikat 2, 3 dhe 4 në rastin e frigoriferëve me më pak se 10 m³, për magazinimin e stoqeve në shitjen me pakicë, kështu që lejohet që temperatura e ajrit të matet nga një termometër lehtësisht i dukshëm.

Ky udhëzim hyn në fuqi pas botimit në Fletoren Zyrtare.

**MINISTRI I BUJQËSISË, ZHVILLIMIT RURAL DHE ADMINISTRIMIT
TË UJËRAVE**
Edmond Panariti